

NO. SOALAN : 37

PEMBERITAHUAN PERTANYAAN DEWAN RAKYAT YANG
KETIGA BELAS, PENGGAL KELIMA, MESYUARAT KEDUA

PERTANYAAN : LISAN

DARIPADA : DATUK DR EWON BIN EBIN
[RANAU]

TARIKH : 26 JULAI 2017 (Rabu)

Datuk Dr Ewon Bin Ebin [RANAU] meminta PERDANA MENTERI menyatakan :-

- (a) setakat ini, berapakah kerugian yang ditanggung oleh FELDA khususnya melalui FGV (Felda Global Ventures) sejak krisis kepimpinan syarikat FGV bermula dan apakah tindakan yang telah diambil bagi memulihkan syarikat FGV ; dan
- (b) berapakah jumlah pemegang saham dan jumlah harga pegangan saham dari negeri Sabah serta jumlah kerugian yang mereka tanggung.

JAWAPAN: YB DATO' RAZALI BIN IBRAHIM,

TIMBALAN MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, Felda tidak mengalami kerugian sepanjang krisis yang dialami seperti didakwa. Krisis yang berlaku adalah bersifat dalaman dan pelan pemulihannya telah dirangka dengan komprehensif.

Mengenai perkembangan semasa FGV baru-baru ini, kerajaan telah melantik Dato' Seri Idris Jala untuk membuat siasatan bebas.

Cadangan daripada badan bebas kepada FGV antaranya adalah untuk fokus kepada tiga perkara iaitu mengukuhkan tabdir urus korporat dan kawalan perniagaannya, menjalankan semakan perniagaan secara komprehensif dan juga menjalankan siasatan dalaman dengan penuh integriti. Menerusi tindakan-tindakan ini, Kerajaan yakin isu ini dapat diselesaikan dengan segera mengikut proses perundangan yang ditetapkan.

Berikutan dari itu, Tan Sri Dr Sulaiman Mahbob telah dilantik menjadi Pemangku Pengerusi FGV bagi menggantikan Tan Sri Mohd Isa Abdul Samad yang telah meletakkan jawatan.

Di peringkat dalaman FGV, Lembaga Pengarah telah melantik Dato' Khairil Anuar Aziz memangku tugas Ketua Pegawai Eksekutif bagi menggantikan Jawatankuasa Lembaga Eksekutif (BEC) yang diumumkan sebelum ini. Dato' Khairil berperanan memastikan operasi perniagaan berjalan seperti biasa sementara proses siasatan dalaman (*Domestic Inquiry – DI*) dijalankan terhadap Ketua Pegawai Ekekutif, Ketua Pegawai Kewangan dan dua lagi Pengurusan Kanan.

Berkenaan dengan proses siasatan dalaman, FGV telah melantik tiga panel bebas untuk menjalankan siasatan bermula 24 Julai 2017 bagi memastikan semua proses dijalankan secara telus dan mengikut undang-undang.

FGV juga telah mengumumkan dua wakil FELDA untuk menduduki kerusi Lembaga Pengarah FGV iaitu Yang Berhormat Dato' Abu Bakar Harun dan Encik Ab Ghani Mohd Ali. Manakala Datuk Muzammil sebagai Pengarah gantian. Ini akan memberi ruang kepada FELDA untuk memainkan peranan lebih besar dalam FGV dan dalam masa yang sama menjaga kepentingan Peneroka.

Setakat ini, Kerajaan melihat tiada keperluan untuk melantik firma audit bebas atau menubuhkan Suruhanjaya Siasatan Diraja (RCI).

Tuan Yang di-Pertua,

Menjawab pertanyaan mengenai pegangan saham oleh Kerajaan Negeri Sabah dalam FGV, berikut adalah nilai pegangan melalui anak syarikat Kerajaan Negeri Sabah setakat 30 Jun 2017:

Pemegang saham	Pegangan	%
Maybank Nominees (Tempatan) SDN BHD Pledged Sec. Account for Sawit Kinabalu SDN BHD	89,010,989	2.44
UOB Kay Hian Nominees (Tempatan) SDN BHD SDB Asset Management SDN BHD for Chief Minister State of Sabah	65,934,066	1.81
UOB Kay Hian Nominees (Tempatan) SDN BHD SDB Asset Management SDN BHD for Ekuiti Yakin Jaya SDN BHD	20,869,113	0.57
JUMLAH	175,814,168	4.82

Sekian. Terima kasih.